


白氏文集

七

白氏文集卷第十六



律詩



五言

七言

自兩韻至一百

韻凡一百首

東南行一百韻寄通州元九侍御澧

州李十一舍人果州崔二十二使君

開州韋大貲外庾三十二補闕杜十

四拾遺李二十助教貲外竇七校書

南去經三楚東來過五湖山頭看候館水

面問征途地遠窮江界天低極海隅飄零

面問征途地遠窮江界天低極海隅飄零

曠  
進舟意

同落葉浩蕩似乘桴漸覺鄉原異深知土  
產殊夷音語嘲啗蠻態笑睢盱水市通闌  
闔煙村混舳舻吏徵魚戶稅人納火田租  
亥日饒蝦蟹寅年足虎驅成人男作壯事  
鬼女爲巫樓閣攢猖婦隄喧蕪販夫夜船  
論鋪賃春酒斷甌沽見果多盧橘聞禽悉  
鷓鴣山歌猿獨叫野哭鳥相呼嶺微雲成  
棧江郊水當郭月橋翹柱鶴風帆鮑檣烏  
鼈礙潮無信蛟驚浪不虞龜鳴泉窟室蜃

結氣浮圖樹裂山魃穴沙含水弩樞喘午  
犁紫芋羸馬放青菰繡面誰家婢鷓頭幾  
歲奴泥中採菱芡燒後拾樵蘇鼎臙愁烹  
鼈盤腥厭膾鱸鐘儀徒戀楚張翰浪思吳  
氣序涼還熱光陰旦復晡身方逐萍梗年  
欲近桑榆渭北田園廢江西歲月徂憶歸  
恒慘澹懷舊忽踟躕自念咸秦客嘗爲鄒  
魯儒蘊藏經國術輕棄度關繻賦力凌鸚  
鵡詞鋒敵輓轡戰文重掉鞅射策一彎弧

似

崔杜鞭齊下元韋轡並驅名聲逼揚馬交  
分過蕭朱世務經磨揣周行竊覲覲風雲  
皆會合雨露各霑濡共偶昇平代偏慙固  
陋軀承明連夜直建禮拂晨趨羨服頒王  
府珍羞降御厨議高通白虎諫切伏青蒲  
栢殿行陪宴花樓走看酺神旗張鳥獸天  
籟動笙竽丸劍星芒耀魚龍電策驅定場  
排漢旅促座進吳歆縹緲疑仙樂嬋娟勝  
畫圖歌鬟佷翠羽舞汗墮紅珠別選閑遊

小

猶

伴潛招劇飲待一盃愁已破三盞氣彌麤  
軟羨仇家酒幽閑葛氏姝十千方得斗二  
八正當壚論笑杓胡碇談憐鞏囁嚅李酣  
尤短實庾醉更薦透鞍馬呼教住骰盤喝  
遣輸長驅波卷白連擲采成盧籌併頻逃  
席觥嚴別置盃滿卮那可灌頰玉不勝扶  
入視中樞草歸乘內廐駒醉會衝宰相驕  
不揖金吾日近恩雖重雲高勢却孤翻身  
落霄漢失脚到泥塗博望移門籍潯陽佐

郡符時情變寒暑世利筭錙銖即日辭雙  
 闕明朝別九衢播遷分郡國次第出京都  
 秦嶺馳三驛商山上二邗峴陽亭寂寞夏  
 口路崎嶇大道全生棘中丁盡執及江關  
 未徹警淮寇尚稽誅林對東西寺山分大  
 小姑廬峯蓮刻削湓浦帶縈紆九派吞青  
 草孤城覆綠蕪黃昏鐘寂寂清曉角嗚嗚  
 春色辭門柳秋聲到井梧殘芳悲鷓鴣暮  
 節感茱萸藥垞金英菊花飄雪片蘆波紅

河內邗城

日斜沒沙白日平鋪幾見林抽筍頻驚鷺  
 引鷓歲華何倏忽年少不須臾眇默思千  
 古蒼茫想八區孔窮緣底事顏夭有何辜  
 龍智猶經醢龜靈未免剗窮通應已定聖  
 招不能逾况我身謀拙逢他厄運拘漂流  
 隨大海鎚鍛任洪爐險阻嘗之矣栖遲命  
 也夫沈冥消意氣窮餓耗肌膚防瘴和殘  
 藥迎寒補舊襦書牀鳴蟋蟀琴匣網蜘蛛  
 貧室如懸磬端憂劇守株時遭人指點數

被鬼挪揄兀兀都疑夢昏昏半似愚女驚  
朝不起妻恠夜長吁萬里拋朋侶三年隔  
友于自然悲聚散不是恨榮枯去夏微之  
瘡今春席八殂天涯書達否泉下哭知無  
謾寫詩盈卷空盛酒滿壺只添新惆望豈  
復舊歡娛壯志因愁減衰容與病俱相逢  
應不識滿頷白髭鬚

謫居

面瘦頭斑四十四遠謫江州為郡吏逢時

棄置從不才才老衰羸為何事火燒寒澗  
松為燼霜降春林花委地遭時榮悴一時  
間豈是昭昭上天意

初到江州寄翰林張李杜三學士

早攀霄漢上天衢晚落風波委世途雨露  
施恩無厚薄蓬蒿隨分有榮枯傷禽側翅  
驚弓箭老婦佷顏事舅姑碧落三仙曾識  
面年深記得姓名無  
庾樓曉望

獨憑朱檻立，凌晨山色初。明水色新，竹霧  
曉籠銜嶺月，蘋風暖送過江春。子城陰處  
猶殘雪，衙鼓聲前未有塵。三百年來庾樓  
上，曾經多少望鄉人。

宿西林寺

木落天晴山翠開，愛山騎馬入山來。心知  
不及柴桑令，一宿西林便却迴。

江樓宴別

樓中別曲催難酌，燈下紅裙間綠袍。縹緲

楚風羅綺薄，錘撻越調管絃高。寒流帶月  
澄如鏡，夕吹和霜利似刀。樽酒未空歡未  
盡，舞胥歌袖莫辭勞。

題山石榴花

一叢千朶歷攔干，翦碎紅綃却作團。風嫋  
舞腰香不盡，露銷粧臉淚新乾。薔薇帶刺  
攀應懶，菡萏生泥翫亦難。爭及此花蒼戶  
下，任人採弄盡人看。

代春贈

山吐晴嵐水放光，辛夷花白柳梢黃。但知莫作江西意，風景何曾異帝鄉。

答春

草煙亘重水花明，從道風光似帝京。其奈山猿江上叫，故鄉無此斷腸聲。

櫻桃花下歎白髮

逐處花皆好，隨年貌自衰。紅櫻滿眼日，白髮半頭時。倚樹無言久，攀條欲放遲。臨風兩堪歎，如雪復如絲。

惜落花贈崔二十四

漠漠紛紛不奈何，狂風急雨兩相和。晚來悵望君知否，枝上稀疎地上多。

移山櫻桃

亦知官舍非吾宅，且斲山櫻滿院栽。上佐近來多五考，少應四度見花開。

官舍閑題

職散優閑地，身慵老大時。送春唯有酒銷，日不過碁祿米麿牙。稻園蔬鴨脚，葵飽冷。



晨

仍晏起餘暇弄龜兒

晚春登大雲寺南樓贈常禪師

花盡頭新白登樓意若何歲時春日少世

界苦人多愁醉非因酒悲吟不是歌求師

治此病唯勸讀楞伽

北樓送客歸上都

手

憑高送遠一悽悽却下朱欄即解攜京路

人歸天直北江樓客散日平西長津欲度

迴船尾殘酒重傾簇馬蹄不獨別君須強

飲窮愁自要醉如泥

北亭招客

抵

踈散郡丞同野客幽閑官舍按山家春風

北戶千莖竹晚日東園一樹花小盞吹醅

嘗冷酒深爐敲火炙新茶能來盡日宮棊

否太守知慵放晚衙

安莫宿西林寺早赴東林滿上人之會因

聞軫寄崔二十二員外

謫辭魏闕鸚鵡隔老入廬山麋鹿隨薄暮

共

蕭條投寺宿，凌晨清淨與僧期。雙林我起  
聞鐘後，隻日君趨入閣時。鵬鷲高仞分皆  
定，莫勞心力遠相思。

遊寶稱寺

竹寺初晴日，花塘欲曉春。野猿疑弄客，山  
鳥似呼人。酒嬾傾金液，茶新碾玉塵。可憐  
幽靜地，堪寄老慵身。

早春聞提壺鳥因題鄰家

厭聽秋猿催下淚，喜聞春鳥勸提壺。誰家

紅樹先花發，何處青樓有酒沽。進士籠豪  
尋靜盡，拾遺風彩近都無。欲期明日東鄰  
醉，變作騰騰一俗夫。

見紫薇花憶微之

一叢暗淡將何比，淺碧籠裙靚紫巾。除却  
微之見，應愛人間少有別花人。

薔薇花一叢，獨死不知其故。因有是

篇

柯條未嘗損，根發不會移。同類今齊茂，孤

芳忽獨萎仍憐委地日正是帶花時碎碧  
初凋葉焦紅尚戀枝乾坤無厚薄草木自  
榮衰欲問因何事春風亦不知  
湖亭望水  
久雨南湖漲新晴北客過日沈紅有影風  
定綠無波岸沒閭闔少灘平船舫多可憐  
心賞處其奈獨遊何

閑遊

外事因慵廢中懷與靜期尋泉上山遠看

筍出林遲白石磨樵斧青竿理釣絲澄清  
深淺好最愛夕陽時

憶微之傷仲遠李三仲遠去年春

喪

幽獨辭群久漂流去國賒只將琴作伴唯  
以酒爲家感逝因看水傷離爲見花李三  
埋地底元九謫天涯舉眼青雲遠迴頭白  
日斜可能勝賈誼猶自滯長沙

過鄭處士

聞道移居村塢間竹林多處獨開關故來  
不是求他事暫借南亭一望山

霖雨苦多江湖暴漲塊然獨望因題

北亭

自作潯陽客無如苦雨何陰昏晴日少閑  
悶睡時多湖闊將天合雲伍與水和籬根  
舟子語巷口釣人歌霧鳥沉黃氣風帆蹙  
白波門前車馬道一宿變江河

春末夏初閑遊江郭二首

閑出乘輕屐徐行蹋軟沙觀魚傍湓浦看  
竹入楊家林迸穿籬笋藤飄落水花雨埋  
釣舟小風颺酒旗斜嫩剥青菱角濃煎白  
茗芽淹留不知夕城樹欲栖鷓

柳影繁初合鶯聲澁漸稀早梅迎夏結殘  
絮送春飛西日韶光盡南風暑氣微展張  
新小簾熨帖舊生衣綠蟻杯香嫩紅絲鱠  
縷肥故園無此味何必苦思歸

南窗紅藤杖出南窗

南詔紅藤杖西江白首人時時攜步月處  
處把尋春勁健孤莖直踈圓六節勾火山  
生處遠灑水洗來新麓細纒盈手高伍僅  
過身天邊望鄉客何日枉歸秦

風雨中尋李十一因題船上

匹馬來郊外扁舟在水濱可憐衝雨客來  
訪阻風人小榼沽清醕行厨煮白鱗停杯  
看柳色各憶故園春

題廬山山下湯泉

一眼湯泉流向東浸泥澆草煖無功驪山  
溫水因何事流入金鋪玉甃中

寄蘄州簞與元九因題六韻時元

九鰥居

笛竹出蘄春霜刀劈翠筠織成雙入簞寄  
與獨眠人卷作筒中信舒爲席上珍滑如  
鋪薤葉冷似卧龍鱗清潤宜乘露鮮華不  
受塵通州炎瘴地此物最關身

秋熱

西江風候接南威暑氣常多秋氣微猶道  
江州最涼冷至今九月著生衣

題元八谿居

溪嵐漠漠樹重重水檻山窗次第逢晚葉  
尚開紅躑躅秋房初結白芙蓉聲來枕上  
千年鶴影落杯中五老峯更媿殷勤留客  
意魚鮮飯細酒香濃

晚出西郊

散吏閑如客貧州冷似村早涼湖北岸殘

照郭西門纈鑷從鬚白休治任眼昏老來  
何所用少與不多言

階下蓮

葉展影翻當砌月花開香散入簾風不如  
種在天池上猶勝生於野水中

端居詠懷

賈生俟罪心相似張翰思歸事不如斜日  
早知驚鵬鳥秋風悔不憶鱸魚曾襟曾貯  
匡時策懷袖猶殘諫獵書從此萬緣都擺

落欲攜妻子買山居

夜宿江浦聞元八改官因寄此什

君遊丹陛已三遷我汎滄浪欲二年劔珮

曉趨雙鳳闕煙波夜宿一漁船交親盡在

青雲上鄉國遙拋白日邊若報生涯應笑

殺結茅栽芋種畝田

百花亭

朱檻在空虛涼風八月初山形如峴首江

色似桐廬佛寺乘船入人家枕水居高亭

仍有月今夜宿何如

江樓早秋

南國雖多熱秋來亦不遲湖光朝霽後竹

氣晚涼時樓閣宜佳客江山入好詩清風

水蘋葉白露木蘭枝欲作雲泉計須營伏

膺資匡廬一步地官滿更何之

送客之湖南

年年漸見南方物事事堪傷北客情山鬼

趨跳唯一足峽猿哀怨過三聲帆開青草

湖中去衣濕黃梅雨裏行別後雙魚難定  
寄近來潮不到湓城

百花亭晚望夜歸

百花亭上晚徘徊雲影陰晴掩復開日色  
悠揚暎山盡雨聲蕭颯渡江來鬢毛遇病  
雙如雪心緒逢秋一似灰向夜欲歸愁未  
了滿湖明月小船迴

西樓

小郡大江邊危樓夕照前青蕪早濕地白

露沈寥天鄉國此時阻家書何處傳仍聞  
陳蔡戍轉戰已三年

尋李道士山居兼呈元明府

盡日行還歇遲遲獨上山攀藤老筋力照  
水病容顏陶巷招居住茅家許往還飽諳  
榮辱事無意戀人間

四十五

行年四十五兩鬢半蒼蒼清瘦詩成癖麤  
豪酒放狂老來尤委命安處即爲鄉或擬



廬山下來春結草堂

寄李相公崔侍郎錢舍人

會陪鶴馭兩三仙親侍龍輿四五年天上  
歡華春有限世間漂泊海無邊榮枯事過  
都成夢憂喜心忘便是禪官滿更歸何處  
去香爐峯在宅門前

廳前桂

天台嶺上凌霜樹司馬廳前委地叢一種  
不生明月裏山中猶校勝塵中

尋王道士藥堂因有題贈

行行見路緣松嶠步步尋花到杏壇白石  
先生小有洞黃牙姹女大還丹常悲東郭  
千家塚欲乞西山五色丸但恐長生須有  
籍仙臺試爲檢名看

秋晚

籬菊花稀砌桐落樹陰離離日色薄單幕  
踈簾貧寂寞涼風冷露秋蕭索光陰流轉  
忽已晚顏色凋殘不如昨萊妻卧病月明

時不擣寒衣空擣藥

南浦歲暮對酒送王十五歸京

臘後冰生覆溢水夜來雲闇失廬山風飄

細雪落如米索索蕭蕭蘆葦間此地二年

留我住今朝一酌送君還相看漸老無過

醉聚散窮通揔是閑

除夜

薄晚支頤坐中宵枕臂眠一從身去國再

見日周天老度江南歲春拋渭北田潯陽

來早晚明日是三年

聞李十一出牧澧州崔二十二出牧

果州因寄絕句

平生相見即眉開靜念無如李與崔各是

天涯爲刺史緣何不覓九江來

元和十三年淮寇未平詔停歲仗憤

然有感率爾成章

聞停歲仗軫皇情應爲淮西寇未平不分

氣從歌裏發無明心向酒中生愚計忽思

飛短檄，狂心便欲請長纓。從來妄動多如此，自笑何曾得事成。

庾樓新歲

歲時銷旅貌，風景觸鄉愁。牢落江湖意，新年上庾樓。

上香爐峯

倚石攀蘿歇病身，青筇竹杖白紗巾。他時畫出廬山鄣，便是香鑪峯上人。

憶微之

與君何日出屯蒙，魚戀江湖鳥厭籠。分手

各拋滄海畔，折腰俱老綠衫中。三年隔闊

音塵斷，兩地飄零氣味同。又被新年勸相

憶柳條黃軟欲春風。

雨夜贈元十八

卑濕沙頭宅，連陰雨夜天。共聽簷溜滴，心

事兩悠然。把酒循環飲，移牀曲尺眠。莫言

非故舊，相識已三年。

草香寒食江畔

草香沙暖水雲晴，風景令人憶帝京。還似  
往年春氣味，不宜今日病心情。聞鶯樹下  
沈吟立，信馬江頭取次行。忽見紫桐花，悵  
望下邳，明日是清明。

三月三日登庾樓寄庾三十二

三日歡遊辭曲水，二年愁卧在長沙。每登  
高處長相憶，何況茲樓屬庾家。

谷下聞李六景儉自河東，今授唐鄧行軍

與司馬以詩賀之

誰能淮上靜風波，聞道河東應此科。不獨  
文詞供奉記，定將談笑解兵戈。泥埋劍戟  
終難久，水借蛟龍何在多。四十著緋軍司  
馬，男兒官職未蹉跎。

榴<sup>木</sup>

石楠樹

可憐顏色好，陰涼葉翦紅。殘花撲霜傘，蓋  
亘垂金翡翠。薰籠亂搭繡衣裳，春芽細炷  
千燈焰。夏藥濃焚百和香，見說上林無此  
樹，只教桃柳占年芳。

大林寺桃花

人間四月芳菲盡，山寺桃花始盛開。  
長恨春歸無覓處，不知轉入此中來。

詠懷

自從委順任浮沈，漸學年多功用深。  
面上滅除憂喜色，胸中消盡是非心。  
妻兒不問唯耽酒，冠帶皆慵只抱琴。  
長笑靈均不知命，江籬叢畔苦悲吟。

早發楚城驛

過雨塵埃滅，沿江道徑平。  
月乘殘夜出，人趁早涼行。  
寂歷閑吟動，冥濛闇思生。  
荷塘翻露氣，稻壠瀉泉聲。  
宿犬聞鈴起，栖禽見火驚。  
曠曠煙樹色，十里始天明。

若峴東池

若峴亭東有小池，早荷新荇綠參差。  
中宵把火行人發，驚起雙棲白鷺鷥。

建昌江

建昌江水縣門前，立馬教人喚渡船。  
忽似

往年歸蔡渡草風沙雨渭河邊

哭從弟

傷心一尉便終身叔母年高新婦貧  
一片綠衫消不得費金拖紫是何人

香鑪峯下新卜山居草堂初成偶題

東壁五首

五架三間新草堂石堦桂柱竹編牆  
南簷納日冬天暖北戶迎風夏月涼  
灑砌飛泉纔有點拂窻斜竹不成行  
來春更葺東廂

屋紙閣蘆簾著孟光

重題

喜入山林初息影厭趨朝市久勞生  
早年薄有煙霞志歲晚深諳世俗情  
已許虎溪雲裏卧不爭龍尾道前行  
從茲耳界應清淨免見啾啾毀譽聲

長松樹下小谿頭斑鹿胎巾白布裘  
藥圃茶園爲產業野麋林鶴是交遊  
雲生澗戶衣裳潤嵐隱山厨火燭幽  
最愛一泉新引

得清冷，屈曲遶階流。  
日高睡足，猶慵起小閣，重衾不怕寒。遺愛  
寺鐘歌枕聽香鑪，峯雪撥簾看。匡廬便是  
逃名地，司馬仍爲送老官。心泰身寧，是歸  
處。故鄉何獨在長安。  
宦途自此心長別，世事從今口不言。豈止  
形骸同土木，兼將壽夭任乾坤。胷中壯氣  
猶須遣，身外浮榮何足論。還有一條遺恨，  
事高家門館，未酬恩。

山中問月

爲問長安月，誰教不相離。昔隨飛蓋處，今  
照入山時。借助秋懷曠，留連夜卧遲。如歸  
舊鄉國，似對好親知。松下行爲伴，谿頭坐  
有期。千巖將萬壑，無處不相隨。

正月十五日夜東林寺學禪偶懷藍  
田楊主簿因呈智禪師

新年三五東林夕，星漢迢迢鐘梵遲。花縣  
當君行樂夜，松房是我坐禪時。忽看月滿

還相憶始歎春來自不知不覺定中微念  
起明朝更問鴈門師

臨水坐

昔爲東掖垣中客今作西方社內人  
手把楊枝臨水坐閑思往事似前身

山居

山齋方獨往塵事莫相仍  
藍輿辭鞍馬緇徒換友朋  
朝餐唯藥菜夜伴只紗燈  
除却青衫在其餘便是僧

遺愛寺

并石臨谿坐尋花遶寺行  
時時聞鳥語處處是泉聲

山中與元九書因題書後

憶昔封書與君夜金鑿殿後欲明天  
今夜封書在何處廬山菴裏曉燈前  
籠鳥檻猿俱未死人間相見是何年

黃石巖下作

久別鷓鴣侶深隨鳥獸群  
教他遠親故何



處覓知聞昔日青雲意今移向白雲

戲贈李十三判官

垂鞭相送醉醺醺遙見廬山指似君  
君想君初覺從軍樂未愛香鑪峯上人

醉中戲贈鄭使君

密座移紅毯醜顏照綠盃雙娥留且住  
五馬任先迴醉耳歌催醒愁眉笑引開  
平生少年興臨老斲重來

江亭夕望

憑高望遠思愆哉晚上江亭夜未迴  
日欲沒時紅浪沸月初生處白煙開  
辭枝雪蘂將春去滿鑷霜毛送老來  
爭敢三年作歸計心知不及賈生才

酬元負外三月三十日慈恩寺相憶

見寄

悵望慈恩三月盡紫桐花落鳥關關  
誠知曲水春相憶其奈長沙老未還  
赤嶺猿聲催白首黃茅瘴色換朱顏  
誰言南國無霜

雪盡在愁人鬢髮間

偶然二首

楚懷邪亂靈均直放棄合宜何惻惻漢文  
明聖賈生賢謫向長沙堪歎息人事多端  
何足恠天文至信猶差忒月離于畢合霽  
施有時不雨誰能測

火發城頭魚水裏救火竭池魚失水乘龍  
藏在牛領中雷擊龍來牛枉死人道著神  
龜骨聖試卜魚牛那至此六十四卦七十

鑽畢竟不能知所以

中秋月

萬里清光不可思添愁益恨遶天涯誰人  
隴外久征戍何處庭前新別離失寵故姬  
歸院夜沒蕃老將上樓時照他幾許人腸  
斷玉兔銀蟾遠不知

謝李六郎中寄新蜀茶

故情周匝向交親新茗分張及病身紅紙  
一封書後信綠芽十片火前春湯添勺水

煎魚眼末下刀圭攪麴塵不寄他人先寄  
我應緣我是別茶人

攜諸山客同上香鑪峯遇雨而還沾

濡狼藉互相笑詭題此解嘲

蕭灑登山去龍鐘遇雨迴磴危攀薜荔石

滑踐莓苔襪汗君相詭鞋穿我自哈莫欺

泥土脚曾踏玉階來

彭蠡湖晚歸

彭蠡湖天晚桃花水氣春鳥飛千白點日

沒半紅輪何必爲遷客無勞是病身但來  
臨此望少有不愁人

酬贈李鍊師見招

幾年司諫直承明今日求真禮上清曾犯

龍鱗容不死欲騎鶴背覓長生劉綱有婦

仙同得伯道無兒累更輕若許移家相近

住便驅雞犬上層城

西河雨夜送客

雲黑雨條條江昏水閣流有風催解纜無

月伴登樓酒罷無多興  
帆開不少留唯看  
一點火遙認是行舟

登西樓憶行簡

每因樓上西南望始覺人間道路長  
礙日暮山青簇簇浸天秋水白茫茫  
風波不見三年面書信難傳萬里腸  
早晚東歸來下峽穩乘船舫過瞿唐

羅子

有女名羅子生來纔兩春  
我今年已長日

夜二毛新顧念嬌啼面思量  
老病身直應頭似雪始得見成人

讀靈徹詩

東林寺裏西廊下石片鐫題數首詩  
言句恠來還校別看名知是老湯師

聽李士良琵琶

聲似胡兒彈舌語愁如塞月恨邊雲  
閑人斲聽猶眉斂可使和蕃公主聞  
長怨

昭君怨

明妃風貌最娉婷，合在椒房應四星。只得當年備宮掖，何曾專夜奉幃屏。見踈從道迷圖畫，知屈那教配虜庭。自是君恩薄如紙，不須一向恨丹青。

閑吟

自從苦學空門法，銷盡平生種種心。唯有詩魔降未得，每逢風月一閑吟。

戲問山石榴

小樹山榴近砌栽，半含紅萼帶花來。爭知

司馬夫人妬，移到庭前便不開。

編集拙詩成一十五卷，因題卷末戲贈元九李二十。

一篇長恨有風情，十首秦吟近正聲。每被老元偷格律，苦教短李伏歌行。世間富貴應無分，身後文章合有名。莫恠氣麤言語大，新排十五卷詩成。

湖上閑望

藤花浪沸紫茸條，菰葉風翻綠剪刀。閑弄

水芳生楚思時時合眼詠離騷

一閑望

大棟樑千正未精效

那燕合良對文章合首冬莫却庶蠶言信

白氏文集卷第十六李為婦行世間富貴

一為是別亦風前十首秦知世五篇每終

詩家觀示以李二十月一

翻葉辭梅效一十五卷因賦珠末燧

白淵夫八改結怪與前野

白氏文集卷第十七

律詩宅五言文七言自兩韻至五十

韻八凡一百首正途斷財宜木亦遠華

白雲江南謫居十韻七篇金魚口雙龍王

自哂沈冥客曾為獻納臣壯心徒許國薄

命不如人纔展凌雲翅俄成失水鱗葵枯

猶向日蓬斷即辭春澤畔長愁地天邊欲

老身蕭條殘活計冷落舊交親草合門無

徑煙消甑有塵憂方知酒聖貧始覺錢神

虎尾難容足，羊腸易覆輪。行藏與通塞，一切任陶鈞。

江樓夜吟，元九律詩成三十韻。昨夜江樓上，吟君數十篇。詞飄朱檻底，韻墮綠江前。清楚音諧律，精微思入玄。收將白雪麗，奪盡碧雲妍。寸截金爲句，雙雕玉作聯。八風淒間發，五彩爛相宣。冰扣聲聲冷，珠排字字圓。文頭交比繡，筋骨軟於絲。瀕湧同波浪，錚撻過管絃。醴泉流出地，鈞

詩家以兩句爲一聯注也

樂下從天神，鬼聞如泣魚。龍聽似禪星，迴疑聚集月。落爲留連鴈，感無鳴者猿。愁亦悄然交流，遷客淚停住。賈人船閣被歌姬，乞潛聞思婦，傳斜行題粉壁。短卷寫紅牋，肉味經時忘，頭風當日痊。老張知定伏，短李愛應顛。道屈才方振，身閑業始專。天教聲烜赫，理合命迤邐。顧我文章劣，知他氣力全。功夫雖共到，巧拙尚相懸。各有詩千首，誤拋海一邊。白頭吟處變青眼，望中穿

張十八箝  
古律詩  
皆工律詩  
故云注也

陳子昂著  
感遇詩編  
杜世任也  
三季竟無  
宮陳亦早  
大任也

酬答朝妨食披尋夜廢眠老償文債負宿  
結字因緣每歎陳夫子常嗟李謫仙名高  
折人爵思苦減天年不得當時遇空冷後  
代憐相悲今若此湓浦與通川故專天  
外 潯陽歲晚寄元八郎中庾三十三負

常作  
李謫  
章知  
李白  
為謫  
仙人  
任也

閱水年將暮燒金道未成丹砂不肯死白  
髮事須生病肺慙盃滿衰顏忌鏡明春深  
舊鄉夢歲晚故交情一別浮雲散雙瞻列

螭頭  
士知及龍子  
又雌龍无  
角曰有  
角曰雄

宿榮螭頭階下立龍尾道前行封事頻聞  
奏除書數見名虛懷事僚友平步取公卿  
漏盡雞人報朝迴幼女迎可憐白司馬老  
大在湓城

元九以綠絲布白輕裕見寄製成衣  
服以詩報知

裕  
屬  
下同

綠絲文布素輕裕珍重京華手自封貧友  
遠勞君寄附病妻親為我裁縫袴花白似  
秋雲薄衫色青於春草濃欲著却休知不



稱折腰無復舊形容

清明日送韋侍御貶虔州

寂寞清明日蕭條司馬家  
留餽和冷粥出火煮新茶  
欲別能無酒相留亦有花  
南遷更何處此地已天涯

九江春望

淼茫積水非吾土飄泊浮萍是我身  
身外信緣為活計眼前隨事覓交親  
鑪烟豈異終南色溢草寧殊渭北春  
此地何妨便終

老匹如元是九江人

香爐峯上多煙澗水  
峯宜草因而記之

晚題東林寺雙池

向晚雙池好初晴百物新  
裊枝翻翠羽澗水躍紅鱗  
萍汎同遊子蓮開當麗人  
臨流一惆悵還憶曲江春

贈內子

白髮方興歎青娥亦伴愁  
寒衣補燈下小女戲牀頭  
閨澹屏帷故淒涼枕席秋  
貧中有等級猶勝嫁黔婁

送客春遊嶺南二十韻

用叙南方物以諭之并  
擬微之送崔廿一之作

已訝遊何遠，仍嗟別太頻。  
離容君感促，贈語我殷勤。  
迢遞天南面，蒼茫海北濇。  
訶陵國分界，交趾郡為鄰。  
翁鬱三光晦，溫暵四氣勻。  
陰晴變寒暑，昏曉錯星辰。  
瘴地難為老，蠻陬不易馴。  
土民稀白首，洞主盡黃巾。  
戰艦猶驚浪，戎車未息塵。  
紅旗圍卉服，紫綬畏文身。  
麵苦桺柳衰，漿酸橄欖新。  
牙檣迎海舶，銅鼓賽江神。  
不凍貪泉暖，無霜毒

芳黃家  
賦方動也  
撒粉未名也  
切音始賢  
及撒粉草  
本也概米  
敢及

眼母如斯地  
故大凡即  
見元注也  
南方毒毒  
多宜酒中  
也

草春雲烟蟒蛇氣，刀劍鱈魚鱗。  
路足鞞棲客，官多謫逐臣。  
天黃生颶母，雨黑長楓人。  
迴使先傳語，征軒早返輪。  
須防盃裏蠱，莫愛橐中珍。  
北與南殊俗，身將貨孰親。  
嘗聞君子誠，憂道不憂貧。

不自題

功名宿昔人多許，寵辱斯須自不知。  
一旦失恩先左降，三年隨例未量移。  
馬頭覓角生何日，石火敲光住幾時。  
前事是身俱若

相集十七

語下

士或七  
士或七  
疑

此空門不去欲何之

自悲

火宅煎熬地霜松摧折身因知群動內易  
死不過人

尋郭道士不遇

郡中乞假來相訪洞裏朝元去不逢看院  
祇留雙白鶴入門唯見一青松藥鑪有火  
丹應伏雲確無人水自春欲問參同契中  
事更期何日得從容

廬山中雲  
母夕故以水  
確持練雲  
母故俗呼為  
雲確任也

潯陽春三首

元和十二年作

春生

春生何處闌周遊海角天涯遍始休先遣  
和風報消息續教啼鳥說來由展張草色  
長河畔點綴花房小樹頭若到故園應覓  
我為傳淪落在江州

春來

春來觸動故鄉情忽見風光憶兩京金谷  
蹋花香騎入曲江碾草鈿車行誰家淥酒

難  
易作

歡連夜何處紅樓睡失明獨有不眠不醉  
客經春冷坐古湓城

春去

一從澤畔爲遷客兩度江頭送暮春白髮  
更添今日鬢青衫不改去年身百川未有  
迴流水一老終無却少人四十六時三月  
盡送春爭得不殷勤

夢微之

十五年八月廿三日夜

晨起臨風一惆悵通川湓水斷相聞不知

憶我因何事昨夜三迴夢見君

贈韋鍊師

潯陽遷客爲居士身似浮雲心似灰上界  
女仙無嗜慾何因相顧兩徘徊共疑過去  
人間世曾作誰家夫婦來

問劉十九

綠蟻新醅酒紅泥小火爐晚來天欲雪能  
飲一盃無  
得行簡書聞欲下峽先以此寄

朝來又得東川信，欲取春初發梓州。書報  
九江聞斃喜，路經三峽想還愁。瀟湘瘴霧  
加飡飯，灑灑瀕驚波。穩泊舟欲寄，兩行迎爾  
淚。長江不肯向西流。

南湖早春

風迴雲斷雨初晴，反照湖邊暖復明。亂點  
碎紅山杏發，平鋪新綠水蘋生。翅佷白鴈  
飛，仍重舌澀黃鸝語。未成不道江南春，不  
好年年衰病減心情。

元十八從事南海，欲出廬山，臨別舊  
居，有戀泉聲之什，因以投和兼伸別  
情。

賢侯辟士禮從容，莫戀泉聲問所從。雨露  
初承黃紙詔，煙霞欲別紫霄峯。傷弓未息  
新驚鳥，得水難留久卧龍。我正退藏君變  
化，一盃可易得相逢。

題韋家泉池

泉落青山出白雲，縈村遶郭幾家分。自從

引作池中水深淺方圓一任君

醉中對紅葉

臨風抄秋樹對酒長年人醉貌如霜葉雖  
紅不是春水

不遣懷

義和走馭趁年光不許人間日月長遂使

四時都似電爭教兩鬢不成霜榮銷枯去

無非命壯盡衰來亦是常已共身心要約

定窮通生死不驚忙

點額魚

龍門點額意如何紅尾青鬢却返初見說  
在天行雨苦為龍未必勝為魚

聞龜兒詠詩

憐渠已解詠詩章搖膝支頤學二郎莫學  
二郎吟太苦纔年四十鬢如霜

對酒

未濟卦中休卜命參同契裏莫勞心無如  
飲此銷愁物一餉愁消直萬金

渠 廿七

點額魚

支

餉

東牆夜合樹去秋爲風雨所摧今年  
花時悵然有感同笑莫莫以無  
碧萸紅縷今何在風雨飄將去不迴悵  
去年牆下地今春唯有薺花開

病起

病不出門無限時今朝強出與誰期經年  
不上江樓醉勞動春風颺酒旗

夢亡友劉太白同遊彰敬寺

三千里外卧江州十五年前哭老劉昨夜

夢中彰寺裏死生魂魄暨同遊

與果上人歿時題此決別兼簡二林

僧社

本結菩提香火社爲嫌煩惱電泡身不須  
惆悵從師去先請西方作主人

贈寫真者

子騁丹青日子當醜老時無勞役神思更  
畫病容儀迢遞麒麟閣圖功未有期區區  
尺素上焉用寫真爲

劉十九同宿

持維冠初破

紅旗破賊非吾事，黃紙除書無我名。唯共  
嵩陽劉處士，圍碁賭酒到天明。  
十二年冬，江西溫暖，喜元八寄金石  
凌到，因題此詩。  
今冬臘候不嚴，凝暖霧溫，風氣上騰，山脚  
崦中纔有雪，江流慢處亦無冰，欲將何藥  
防春瘴，只有元家金石凌。

閑意

不爭榮耀任沈淪，日與時疎共道親。北省  
朋僚音信斷，東林長老往還頻。病停夜食  
閑如社，慵擁朝裘暖似春。漸老漸闔閑氣  
味，終身不擬作忙人。

送友人上峽赴東川辟命

見說瞿唐峽，斜銜灩澦根。難於尋鳥路，險  
過上龍門。羊角風頭急，桃花水色渾。山迴  
若鼉轉，舟入似鯨吞。岸合愁天斷，波跳恐  
地翻。憐君經此去，為感主人恩。

閑  
語

酒  
作  
紙



一本 湖魏  
似似箭  
霜殺草  
如刀

夜送孟司功

潯陽自司馬夜送孟功曹江閣管絃急樓  
明燈火高湖波翻似箭霜草殺如刀且莫  
開征棹陰風正怒號

衰病

老辭遊冶尋花伴病別荒狂舊酒徒更恐  
五年三歲後些些談笑亦應無

題詩屏風絕句并序

十二年冬微之猶滯通州予亦未離湓上

掇 竹芳下  
拾列 拾列

相去萬里不見三年鬱鬱相念多以吟詠  
自解前後辱微之寄示之什殆數百篇雖  
藏於篋中永以為好不若置之座右如見  
所思繇是掇律句中短小麗絕者凡一百  
首題錄合為一屏風舉目會心參若其人  
在於前矣前輩作事多出偶然則安知此  
屏不為好事者所傳異日作九江一故事  
爾因題絕句聊以獎之  
相憶采君詩作鄣自書自勘不辭勞鄣成

障 鄣 送 急 思 川 作 詠 有 之 年 自 有 之

定被入爭寫從此南中紙價高

答微之

微之投簡西寺予題予詩予又以微之  
百篇題此屏上各以絕句相報春至

君寫我詩盈寺壁我題君句滿屏風與君

相遇知何處兩葉浮萍大海中

偶宴有懷

遇興尋文客因歡命酒徒春遊憶親故夜

會似京都詩思閑仍在鄉愁醉斲無狂來

欲起舞慙見白髭鬚

山中酬江州崔使君見寄

眷眄情無限優容禮有餘二年為郡吏一

半許山居酒熟心相待詩來手自書庾樓

春好醉明日且迴車

山枇杷

深山老去惜年華况對東谿野枇杷火樹

風來翻絳艷瓊枝日出曬紅紗迴看桃李

都無色暎得芙蓉不是花爭奈結根深石

底無因移得到人家

聞李尚書拜相因以長句寄賀微之

憐君不久在通川，知己新提造化權。  
夔高定求才濟世，張雷應辯氣衝天。  
那知淪落天涯日，正是陶鈞海內年。  
肯向泥中拋折劍，不收重鑄作龍泉。

歲暮

窮陰急景坐相催，壯齒韶顏去不回。  
舊病重囚年老發，新愁多是夜長來。  
膏明自爇緣多事，鴈默先烹爲不才。  
禍福細尋無會處，不如且進手中盃。

是作待

雨中赴劉十九二林之期及到寺劉  
已先去因以四韻寄之

雲中臺殿泥中路，既阻同遊懶却還。  
將謂獨愁猶對雨，不知多興已尋山。  
纔應行到千峯裏，只校來遲半日閒。  
最惜杜鵑花爛熳，春風吹盡不同攀。

薔薇正開春酒初熟，因招劉十九張  
大夫崔二十四同飲

甕頭竹葉經春熟，階底薔薇入夏開。  
似火

歸 德當及  
船謂之歸  
也船之異  
之及亦歸  
要之

淺深紅壓架如飴氣味綠粘臺試將詩句  
相招去儻有風情或可來明日早花應更  
好心期同醉卯時盃

李白墓

採石江邊李白墳遶田無限草連雲可憐  
荒隴窮泉骨曾有驚天動地文但是詩人  
多薄命就中淪落不過君

對酒

漫把參同契難燒伏火砂有時成白首無

處問黃牙幻世如泡影浮生抵眼花唯將  
淥醅酒且替紫河車

戲答諸少年

願我長年頭似雪饒君壯歲氣如雲朱顏  
今日雖欺我白髮他時不放君

風雨晚泊

苦竹林邊蘆葦叢停舟一望思無窮青苔  
撲地連春雨白浪掀天盡日風忽忽百年  
皆欲半茫茫萬事坐成空此生飄蕩何時

皆行 掀軒

田作墳

定一縷鴻毛天地中  
題崔使君新樓  
憂人何處可銷憂  
碧甃紅欄溢水頭  
從此潯陽風月夜  
崔公樓替庾公樓

山中戲問韋侍御

我抱棲雲志君懷齊世才  
常吟反招隱那得入山來

贈曇禪師

五年不入慈恩寺今日尋師始一來  
欲知

火宅焚燒苦方寸如今化作灰

寄微之

帝城行樂日紛紛天畔窮愁我與君  
秦女笑歌春不見巴猿啼哭夜常聞  
何處琵琶絃似語誰家髑墮髻如雲  
人生多少歡娛事那獨十分無一分

醉吟二首

空王百法學未得姤女丹砂燒即飛  
事事無成身老也醉鄉不去欲何歸

苦  
覆也徒聊  
及七詩言  
之華其  
其黃矣  
第  
千甚及說  
女兩復也  
音審也

昌隨  
作苦  
第

兩鬢千莖新似雪十分一盞欲如泥酒狂  
又引詩魔發日午悲吟到日西

曉寢

轉枕重安寢迴頭一欠伸紙窗明覺曉布  
被暖知春莫強踈慵性須安老大身雞鳴  
一覺睡不博早朝人

答元八郎中楊十二博士

身覺浮雲無所著心同止水有何情但知  
蕭灑踈朝市不要崎嶇隱姓名盡日觀魚

臨澗坐有時隨鹿上山行誰能拋得人間  
事來共騰騰過此生

湖亭與行簡宿

潯陽少有風情客招宿湖亭盡却迴水檻  
虛涼風月好夜深唯共阿伶來

八月十五日夜湓亭望月

昔年八月十五夜曲江池畔杏園邊今年  
八月十五夜湓浦沙頭水館前西北望鄉  
何處是東南見月幾迴圓臨風一歎無人

會今夜清光似往年

贈江客

江柳影寒新雨地塞鴻聲急欲霜天愁君  
獨向沙頭宿水遶蘆花月滿船

殘暑招客

雲截山腰斷風驅雨脚迴早陰江上散殘  
熱日中來却取生衣著重拈小簟開誰能  
淘晚熱閑飲兩三盃

潯陽秋懷贈許明府

霜紅二林葉風白九江波暝色投煙鳥秋  
聲帶雨荷馬閑無處出門冷少人過鹵莽  
還鄉夢依稀望闕歌共思除醉外無計奈  
愁何試問陶家酒新菊得幾多

九日醉吟

有恨頭還白無情菊自黃一為州司馬三  
見歲重陽劍匣塵埃滿籠禽日月長身從  
漁父笑門任雀羅張問疾因留客聽吟偶  
置觴歎時論倚伏懷舊數存亡奈老應無

籟  
音秋  
楚於反  
酒也文  
乍七回

籟  
音秋

計治愁或有方無過學王勣唯以醉爲鄉

身名身事兩蹉跎試就先生問若何從此

神仙學得否白鬚雖有未爲多

送蕭鍊師步虛詩十首卷後以二絕

繼之

欲上瀛洲臨別時贈君十首步虛詞天仙

若愛應相問向道江州司馬詩

花紙瑤緘松墨字把將天上共誰開試呈

王母如堪唱發遣雙成更取來

贈李兵馬使

身得貳師餘氣槩家藏都尉舊詩章江南

別有樓船將鷺領虬鬚不姓楊

題遺愛寺前溪松

偃亞長松樹侵臨小石溪靜將流水對高

共遠峯齊翠蓋煙籠密花幢雪壓佷與僧

清影坐借鶴穩枝栖筆寫形難似琴偷韻

易迷暑天風撼撼晴夜露淒淒獨憇依爲

山甫之

二言

身下

神

句

雨



舍閑行繞作蹊棟梁君莫採留著伴幽棲  
青溪廬山草堂夜雨獨宿寄牛二李七庾  
共處三十二負外  
丹青攜手三君子白髮垂頭一病翁  
蘭省花時錦帳下廬山雨夜草菴中  
終身膠漆心應在半路雲泥迹不同  
唯有無生三昧觀榮枯一照兩成空  
聞揚十二新拜省郎遙以詩賀  
文昌新入有光輝紫界宮牆白粉闈曉日

繞作

雞人傳漏箭春風侍女護朝衣  
雪飄歌響高難和鶴拂煙霄老慣飛  
官職聲名俱入手近來詩客似君稀

願寄贈揚詩落句云不用更教詩過  
如折君官職是聲名今故云俱入手

三月三日懷微之

良時光景長虛擲壯歲風情已闌銷  
忽憶同爲校書日每年同醉是今朝

贈韋八

辭君歲久見君初白髮驚嗟兩有餘  
容鬢別來今至此心情料取合何如  
曾同曲水

響

花亭醉亦共華陽竹院居豈料天南相見  
夜哀猿瘴霧宿匡廬

春江閑步贈張仙人

江景又妍和牽愁發浩歌晴砂金屑色春  
水麴塵波紅蕤交枝杏青含卷葉荷藉莎  
憐軟暖憇樹愛婆娑書信朝賢斷知音野  
老多相逢不閑語爭奈日長何

春聽琵琶兼簡長孫司戶

四絃不似琵琶聲亂寫真珠細撼鈴指底

撼動也  
胡咸反

商風悲颼颼舌頭胡語苦醒醒如言都尉  
思京國似訴明妃厭虜庭遷客共居相勸  
諫春腸易斷不須聽

吳宮詞

一入吳王殿無人覩翠蛾樓高時見舞宮  
靜夜聞歌半露曾如雪斜廻臉似波妍蚩  
各有分誰敢妬恩多

送侍御量移金州司馬

時予宮嫗未出

春歡雨露同霑澤冬歎風霜獨滿衣留滯

多時如我少遷移好處似君稀卧龍雲到  
須先起蟄驚雷驚尚未飛莫恨東西溝水  
別滄溟長短擬同歸

自到潯陽生三女子因詮真理用遣  
一人安懷

官途本自安身拙世累由來向老多遠謫  
四年徒已矣晚生三女擬如何預愁嫁娶  
真成患細念因緣盡是魔賴學空王治苦  
法須拋煩惱入頭陀

江西裴常侍以優禮見待又蒙贈詩  
輒叙鄙誠用伸感謝

一從簪笏事金貂每借溫顏拔折腰長覺  
身輕離泥滓忽驚手重捧瓊瑤馬因迴顧  
雖增價桐遇知音已半焦他日秉鈞如見  
念壯心直氣未全銷

自江州司馬授忠州刺史仰荷聖澤

聊書鄙誠

炎瘴拋身遠泥塗索脚難網初鱗撥刺籠

拖

彼教坊

鵲  
胡愈反  
班鳩也

久翅摧殘雷電頒時令陽和變歲寒遺簪  
承舊念剖竹授新官鄉覺前程近心隨外  
事寬生還應有分西笑問長安  
除忠州寄謝崔相公  
提拔出泥知力竭吹噓生翅見情深劍鋒  
缺折難衝斗桐尾燒焦豈望琴感舊兩行  
年老淚酬息一寸歲寒心忠州好惡何須  
問鳥得辭籠不擇林

初除官蒙裴常侍贈鵲銜瑞草緋袍

缺缺

魚袋因謝惠貺兼抒離情

新授銅符未著緋因君裝束始光輝惠深  
范叔緜袍贈榮過蘇秦佩印歸魚綴白金  
隨步躍鵲銜紅綬遶身飛明朝戀別朱門  
淚不敢多垂恐汙衣

洪州逢熊孺登

靖安院裏辛蕘下醉笑狂吟氣最麤莫問  
別來多少苦佢頭看取白髭鬚  
初著刺史緋答友人見贈

洪州

卷下

故人安慰善爲辭，五十專城道未遲。徒使  
花袍紅似火，其如蓬鬢白成絲。且貪薄俸  
君應惜，不稱衰容我自知。銀印可憐將底  
用，只堪歸舍嚇妻兒。

又答賀客

銀章斲假爲專城，賀客來多懶起迎。似挂  
緋衫衣架上，朽株枯竹有何榮。

別草堂三絕句

正聽山鳥向陽眠，黃紙除書落枕前。爲感

君恩須暫起，鑪峯不擬住多年。  
久眠褐被爲居士，忽挂緋袍作使君。身出  
草堂心不出，廬山未要動移文。

三間茅舍向山開，一帶山泉遶舍迴。山色  
泉聲莫惆悵，三年官滿却歸來。

鍾陵餞送

翠幕紅筵高在雲，歌鐘一曲萬家聞。路人  
指點滕王閣，看送忠州白使君。  
潯陽宴別 此後忠州路上作

鞍馬軍城外，笙歌祖帳間。  
乘潮發溢口，帶雪別廬山。  
暮景牽行色，春寒散醉顏。  
共嗟炎瘴地，盡室得生還。

戲贈戶部李巡官

好去民曹李判官，少貪公事且謀歡。  
男兒未死爭能料，莫作忠州刺史看。  
行次夏口先寄李大夫

連山斷處大江流，紅旆逶迤鎮上游。  
幕下翱翔秦御史，軍前奔走漢諸侯。  
曾陪劍履

升鸞殿，欲謁旌幢入鶴樓。  
假著緋袍君莫笑，恩深始得向忠州。

重贈李大夫

早接清班登玉陛，同承別詔直金鑾。  
鳳巢閣上容身穩，鶴鎖籠中展翅難。  
流落多年應是命，量移遠郡未成官。  
慙君獨不欺顛顛，猶作銀臺舊眼看。

對鏡吟

閑看明鏡坐清晨，多病恣容半老身。  
誰論

情性乖時事自想形骸非貴人三殿失恩  
宜放棄九宮推命合漂淪如今所得須甘  
分腰佩銀龜朱兩輪

江州赴忠州至江陵已來舟中示舍

第五十韻

昔作咸秦客常思江海行今來仍盡室此  
去又專城典午猶為幸分憂固是榮  
屏篋州乘送艘艤驛船迎共載皆妻子同遊即  
弟兄寧辭浪迹遠且貴賞心并雲展帆高

先登及  
屏別駕車  
車轄

挂颿馳棹迅征泝流從漢浦循路轉荆衡  
山逐時移色江隨地改名風光近東早水  
木向南清夏口煙孤起湘川雨半晴日煎  
紅浪沸月射白砂明北渚寒留鴈南枝暖  
待鸞駢朱桃露萼點翠柳含萌亥市魚鹽  
聚神林鼓笛鳴壺漿椒葉氣歌曲竹枝聲  
繫纜怜沙靜垂綸愛岸平水飡紅粒稻野  
茹紫花菁甌汎茶如乳臺粘酒似餲膾長  
抽錦縷藕脆削瓊英容易來千里斯須進

而披及  
茹并疑  
器也

想乍  
頂耳  
猶過  
自行  
有家  
舟作  
感乍  
田

一程未曾勞氣力漸覺有心情卧穩添春  
睡行遲帶酒醒忽愁牽世網便欲濯塵纓  
早接文場戰會爭翰苑盟掉頭稱俊造翹  
足取公卿且昧隨時義徒輸報國誠衆排  
恩易失偏歷勢先傾虎尾憂危切鴻毛性  
命輕燭蛾誰救護蠶繭自纏縈斂手辭雙  
闕迴眸望兩京長沙拋賈誼漳浦卧劉楨  
鷓鴣鳴還歇蟾蜍破又盈年光同激箭鄉  
思極搖旌潦倒親知笑衰羸舊識驚烏頭

蟾  
與諸君  
蟾  
之廉切

因感白魚尾為勞蘋劍學將何用丹燒竟  
不成孤舟萍一葉雙鬢雪千莖老見人情  
盡閑思物理精如湯探冷熱似博鬪輸贏  
險路應須避迷塗莫共爭此心知止足何  
物要經營玉向泥中潔松經雪後貞無妨  
隱朝市不必謝寰瀛但在前非悟期無後  
患嬰多知非景福少語是元亨晦即全身  
藥明為伐性兵昏昏隨世俗蠢蠢學黎氓  
烏以能言繡龜緣入夢烹知之一何晚猶

石作有  
雪作  
止作上

親作  
極作

酒作



足保餘生。

題岳陽樓

岳陽城下水漫漫，獨上危樓凭曲欄。  
春岸綠時連夢澤，夕波紅處近長安。  
猿攀樹立啼何苦，鴈點湖飛渡亦難。  
此地唯堪畫圖，鄣華堂張與貴人看。

入峽次巴東

不知遠郡何時到，猶喜全家此去同。  
萬里王程三峽外，百年生計一舟中。  
巫山暮足

全

霑花雨隴水春多，逆浪風兩片紅旌數聲。  
鼓使君，艤上巴東。

十年三月三十日，別微之於澧上十

四年三月十一日夜，遇微之於峽中

停舟夷陵三宿，而別言不盡者，以詩

終之，因賦七言十七韻，以贈且欲寄

所遇之地，與相見之時，爲他年會話

張本也

澧水店頭春盡日，送君上馬謫通川夷陵

寄

微之別未有  
新詩教百篇  
死麻絕可愛  
之注也

峽口明月夜，此處逢君是偶然。一別五年  
方見面，相攜三宿未迴船。坐從日暮唯長  
歎，語到天明竟未眠。齒髮蹉跎將五十，關  
河迢遞過三千。生涯共寄滄江上，鄉國俱  
拋白日邊。往事渺茫都似夢，舊游零落半  
歸泉。醉悲灑淚春盃裏，吟苦支頤曉燭前。  
莫問龍鐘惡官職，且聽清脆好文篇。別來  
只是成詩癖，老去何曾更酒顛。各限王程  
須去住，重開離宴貴留連。黃牛渡北移征

線 力馬及  
鏡 而小及  
纏 纏也

棹白狗崖東，卷別筵。神女臺雲，閑繚繞，使  
君灘水急，潺湲風淒，暝色愁楊柳。月弔宵  
聲哭，杜鵑萬文赤，幢潭底日。一條白練峽  
中，天君還秦地，辭炎徼。我向忠州入瘴煙，  
未死會應相見在。又知何地復何年。

白大題峽中石上

巫女廟花紅似粉，昭君村柳翠於眉。誠知  
老去風情少，見此爭無一句詩。

白氏文集卷第十七

夫去風辭也具此等無一由餘日暮年  
 巫安麻亦巧妙餘韻昔林林翠綠骨結  
 未及會歌時辰委又吟阿曉對阿平  
 中天辰數黍此編美濟非阿忠無不  
 聲與耳餘為文表動取為目一辭自  
 係編亦為無窮風雲期色越舞林月  
 對白休豈東春以茲林之臺雲閣  
 對白休豈東春以茲林之臺雲閣

110X  
430  
30